



**Nunatsinni umiartortunnigorniarnermi ilinniarfiusinnaasut suulluunniit tamarmik illoqarfimmut ataatsimut, ilinniarfimmullu ataatsimut ataatsimuulersinneqassagaluarpata pitsaaqutigisinnaasaanik pitsaanngequtigisinnaasaanillu aammalu aningaasatigut kingunerisinnasaanik misissueqqillugit Naalakkersuisut peqquneqarnissaannik Inatsisartut aalajangiiffigisassassaattut siunnersuut. Maskinmesterinngorniartarnerup imarsionernermik ilinniarfiup iluaniilernissaa soorluttaaq nunatsinni umiarsuup naalagaatut ilinniartitsisoqartalersinnaanera misissugassanut ilaassaaq. Misissuineq naammassereersimassaaq UKA25 sioqqullugu.**

(Inatsisartunut ilaasortaq Peter Olsen, Inuit Ataqtigii)

(Siullermeerneqarnera)

Qujanaq Inatsisartunut ilaasortaq Peter Olsen siunnersuummut.

Demokraatini nalungilluinnarparput, maani nunatsinni sapinngisarput tamaat, ilinniagaqarnek qaffassartuassallutigu. Ilungersorluta suliniuteqartariaqarpugut, sapinngisamik amerlanerpaat piginnaalersitsisumik ilinniagaqarnissaat anguniarlugu.

Tamanna tunngavigalugu pingaaruteqarpoq, uagut politikikkut eqqarsaatigijuaannartassagipput, pitsaanerusumik imaluunniit allaanerusumik iliuuseqarnissarput. Ilinniagaqarnerpa nutaanik, pilersitassanik neqeroorutigineqartussanik? Imaluunniit peqarnerpa, allanngortitigassanik? Ilinniagaqarpa, ataatsimoortinneqarsinnaasunik qaffassaataasinnaasumik aammalu suliniutit assigiinngitsut imminnut ikorfartornerulersinnaallutik Pingaaruteqarpoq, tamakku eqqartornissaannut ammasuujuarnissarput. Tamattami ataatsimoorluta kissaatigalugulu neriutitigatsigu inuiaqatigiinnik pilersitsinissaaq, atorfinnik amerliartortunik maani najugaqartunik uagutsinnit tiguisinnaasunik.

Uani siunnersuutigineqarpoq umiartortunnigorniarnermi ilinniakkat piffimmut ataatsimut ataatsimuulersinneqassagaluarpata pitsaaqutigisinnaasaanik pitsaanngequtigisinnaasaanillu misissuisoqarnissat aammalu umiarsuup naalagaatut ilinniarnep aallartinneqarnissaa. Silatusaarneporpassippoq taamatut misissuisitsinissaaq. Demokraatini kissaatigaarput, misissuinermi misissorneqassasoq, ilumut umiarsuup naalagaattut ilinniarnermik pilersitsinissamik siunnersuut ilinniartussaqaarnersoq. Kissaatigaarput, tamanna misissorneqassasoq, sumi nunatsinni isumaqarnerpaassanersooq umiartortunnigorniarnermi ilinniakkat ataatsimuulersikkaanni. Kissaatigaarpullu aningaasatigut kingunissai naatsorsorneqassasut.

Siunnersuut taakkuninnga oqaaseqaatitalerlugu Kultureqarnermut, Ilinniartitaanermut Ilageeqarnermullu ataatsimiititaliami suliareqqinneqarnissaa innersuussutigaaarput.